



Bosna i Hercegovina
Federacija Bosne i Hercegovine
Tuzlanski kanton
OPĆINA GRADAČAC

H.K.Gradašćevića 54, 76 250 Gradačac, telefon 035-369-750, fax. 035-369-751, e.mail: opc.grad@bih.net.ba, www.gradacac.ba

Prijedlog

OPĆINSKO VIJEĆE

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine FBiH" broj 34/06 i 51/09) i člana 24. stav 1. tačka 2. i 21. Statuta općine Gradačac ("Službeni glasnik općine Gradačac" broj: 4/08 i 5/12), a u vezi sa čl. 2. st. 1. tačka 1.6., čl. 6. st. 1. i čl. 8. st. 1. Zakona o ministarskim, vladinim i drugim imenovanjima F BiH („Službene novine F BiH“ broj: 34/03 i 65/13) Općinsko vijeće Gradačac, na ____ radnoj sjednici održanoj dana _____ 2015. godine d o n o s i

O D L U K U
O RASPISIVANJU JAVNOG OGLASA

Član 1.

Raspisuje se Javni oglas za izbor i imenovanje kandidata na pozicije u Upravnom odboru JU Centar za socijalni rad Gradačac (dalje: javni oglas).

Član 2.

Ovlašćuje se općinski načelnik da preduzme sve potrebne radnje za raspisivanje javnog oglasa.

Član 3.

Ova Odluka supa na snagu danom donošenja, a objavit će se u "Službenom glasniku Općine Gradačac"

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
- Općinsko vijeće -

Broj:01-05-_____/15
Datum: _____ 2015. godine
G r a d a č a c

PREDSJEDAVAJUĆI
OPĆINSKOG VIJEĆA
Enir Šakić



Bosna i Hercegovina
Federacija Bosne i Hercegovine
Tuzlanski kanton
OPĆINA GRADAČAC

H.K.Gradašćevića 54, 76 250 Gradačac, telefon 035-369-750, fax. 035-369-751, e.mail: opc.grad@bih.net.ba, www.gradacac.ba

**Obrazloženje
prijedloga Odluke o raspisivanju javnog oglasa**

Zakonom o ministarskim, vladinim i drugim imenovanjima F BiH („Službene novine F BiH“ broj: 34/03 i 65/13) propisano je da općinsko vijeće, kao osnivač organa u kojem treba biti imenovano određeno tijelo, predstavlja odgovornog javnog službenika koji je obavezan sprovesti proceduru imenovanja. Konkretno, u ovom slučaju, Općinsko vijeće Gradačac je svojevremeno osnovalo JU Centar za socijalni rad Gradačac. S toga je Općinsko vijeće ovlašteno da imenuje upravni odbor ove javne ustanove.

Takođe, ovom odlukom se daje ovlaštenje općinskom načelniku da preduzima sve potrebne radnje tehničke prirode, a koje su neophodne za uspješnu realizaciju ove odluke.

Uz ovu odluku, Općinskom vijeću će biti ponuđeni na usvajanje i drugi pojedinačni akti. To su slijedeći akti:

- prijedlog Kriterija i standarda za izbor i ocjenjivanje kandidata koji će se prijaviti na javni oglas za izbor i imenovanje kandidata na pozicije u Upravnom odboru JU Centar za socijalni rad Gradačac
- prijedlog teksta Javnog oglasa za izbor i imenovanje kandidata na pozicije u Upravnom odboru JU Centar za socijalni rad Gradačac
- prijedlog Rješenja o imenovanju komisije.

Obzirom na zakonsku obavezu imenovanja organa upravljanja javnih ustanova, predlaže se Općinskom vijeću usvajanje ove odluke i gore pomenutih materijala.

OBRAĐIVAČ

Općinska služba za
društvene djelatnosti i
boračko-invalidsku zaštitu

PREDLAGAČ

Općinski načelnik

OPĆINSKO VIJEĆE

Na osnovu člana 7. st. 2. Zakona o ministarskim, vladinim i drugim imenovanjima F BiH („Službene novine F BiH“ broj: 34/03 i 65/13) Općinsko vijeće Gradačac, na 10. radnoj sjednici održanoj dana 26.12.2013. godine d o n o s i

KRITERIJE I STANDARDE

za izbor i ocjenjivanje kandidata koji će se prijaviti na javni oglas za izbor i imenovanje kandidata na pozicije u Upravnom odboru JU Centar za socijalni rad Gradačac

Član 1.

U postupku izbora kandidata na pozicije u Upravnom odboru JU Centar za socijalni rad Gradačac, primjenjivat će se opći kriteriji i standardi za izbor i ocjenjivanje.

Član 2

Opći kriteriji koje kandidat treba ispunjavati su:

- a) da je državljanin BiH
- b) da je stariji od 18 godina
- c) da je zdravstveno sposoban za obavljanje poslova na koje se kandiduje
- d) da nije otpušteni iz državne službe kao rezultat disciplinske mjere na bilo kojem nivou u BiH u periodu od tri godine prije dana objavljivanja upražnjene pozicije
- e) da se na njega ne odnosi čl. IX.1. Ustava BiH (da nisu pod optužnicom Međunarodnog suda za ratne zločine)
- f) da nije na funkciji u političkoj stranci u smislu čl. 5. Zakona o ministarskim, vladinim i drugim imenovanjima u F BiH
- g) da ne podliježe odredba Zakona o sukobu interesa u organima vlasti u F BiH ("Službene novine F BiH" broj: 70/08)
- h) da nije lice kojem je pravosnažnom presudom suda zabranjeno obavljanje aktivnosti u nadležnosti ustanove u kojoj se kandiduje
- i) da nema privatni finansijski interes u javnoj ustanovi u čiji se upravni odbor kandiduje
- j) da nije osuđivan za krivično djelo i privredni prijestup nespojiv sa dužnošću u upravnom odboru javne ustanove pet godina od pravosnažnosti presude, isključujući vrijeme zatvorske kazne, i da se ne vodi krivični postupak
- k) da nije član upravnog ili nadzornog odbora druge javne ustanove ili javnog preduzeća čiji je osnivač Općina Gradačac.
- l) da ne postoje druge zakonske smetnje za obavljanje poslova u nadzornom odboru u koji se kandiduje.

Član 3.

Standarde koje kandidat treba zadovoljiti su:

- a) visoka stručna sprema
- b) najmanje 3 godine radnog iskustva nakon završene visoke stručne spreme
- c) sposobnost prepoznavanja, zastupanja i zaštite interesa javne ustanove i uvažavanje interesa drugih zainteresiranih sudionika
- d) sposobnost za savjesno, odlučno, odgovorno i profesionalno obavljanje upražnjene pozicije
- e) izražena individualnost, inicijativnost, nezavisnost u radu i donošenje odluka
- f) da posjeduje znanje i sposobnosti razumijevanja poslovnih izvještaja
- g) da posjeduje znanje iz oblasti ukupnog zakonodavstva na području djelovanja upravnih odbora i strategije poslovne etike

- h) da posjeduje znanje o djelatnosti kojom se javna ustanova bavi
- i) sposobnost upravljanja finansijskim i ljudskim resursima i naklonjenost timskom radu
- j) da posjeduje organizacijske i komunikativne sposobnosti.

Član 4.

Opći kriteriji se ne boduju.

Član 5.

Standardi pod tačkama a) i b) se ne boduju.

Član 6.

Za standarde pod tačkama c), d), e), f), g), h), i), će komisija za izbor i ocjenjivanje kandidata prijavljenih po javnom oglasu za izbor upravnog odbora JU Centar za socijalni rad Gradačac (dalje: komisija) pripremiti pitanja na koja će kandidati davati odgovore koji će biti predmetom bodovanja od strane komisije.

Komisija će svakom kandidatu za ponuđeni odgovor davati od 1 do 5 bodova.

Član 7.

Standardi pod tačkom j) će se bodovati u skladu sa općim dojmom koji je kandidat ostavio na komisiju tokom intervjuja i to bodovima od 1 do 5.

Član 8.

Konačan broj bodova za svakog pojedinog kandidata će se dobiti na način što će se sabrati svi bodovi koje je kandidat dobio i podijeliti sa 8.

Član 9.

Komisija će sačiniti rang listu kandidata dobijenu na način opisan u prethodnim članovima ovih kriterija i standarda i istu dostaviti Općinskom vijeću, kako bi Općinsko vijeće moglo imenovati upravni odbor ustanove.

Član 10.

Ovi kriteriji i standardi stupaju na snagu danom donošenja, objavit će se u "Službenom glasniku Općine Gradačac", a primjenjivat će se u postupku izbora i ocjenjivanja kandidata prijavljenih po javnom oglasu za izbor upravnog odbora JU Centar za socijalni rad Gradačac.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
- Općinsko vijeće -

Broj:
Datum:
G r a d a č a c

PREDSJEDAVAJUĆI
OPĆINSKOG VIJEĆA
Enir Šakić

OPĆINSKO VIJEĆE

Na osnovu člana 9. Zakona o ministarskim, vladinim i drugim imenovanjima F BiH („Službene novine F BiH“ broj: 34/03 i 65/13) Općinsko vijeće Gradačac, na __. radnoj sjednici održanoj dana _____2015. godine d o n o s i

RJEŠENJE O IMENOVANJU KOMISIJE (Prijedlog)

I

Imenuje se Komisija za izbor kandidata na pozicije u Upravnom odboru JU Centar za socijalni rad Gradačac (dalje: komisija).

II

Komisija se sastoji od slijedećih članova:

- Sejdić Mevludin, predsjednik komisije
- Turbić Emina, član komisije
- Hećimović Amira, član komisije
- Novalić Hazim, član komisije
- Sokoljaković Munevera, član komisije.

III

Komisija ima zadatak da sprovede sve radnje i postupke propisane u čl. 10., 11. i 12. Zakona o ministarskim, vladinim i drugim imenovanjima F BiH (dalje: Zakon).

IV

Ovo rješenje se primjenjuje od dana donošenja, a objavit će se u "Službenom glasniku Općine Gradačac".

V

Protiv ovog rješenja nije dozvoljeno izjavljivanje žalbe.

O b r a z l o ž e n j e

Članom 9. Zakona propisano je da Općinsko vijeće, kao odgovorni javni službenik koji je osnovao JU Centar za socijalni rad imenuje članove komisije za izbor, te da se komisija sastoji od pet članova. Dalje Zakonodavac propisuje da će Općinsko vijeće samostalno imenovati komisiju za izbor, obzirom da su organi u kojima se vrše imenovanja u cjelokupnom vlasništvu nadležnog organa, dakle Općine. S tim u vezi je imenovana komisija koja je sastavljena od uposlenika Općine Gradačac, u skladu sa čl. 9. st. 4. Zakona.

U skladu sa čl. 222. st. 5. Zakona o upravnom postupku ("Službene novine F BiH" broj: 2/98 i 48/99) protiv ovog rješenja nije dozvoljeno izjavljivanje žalbe.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
- Općinsko vijeće -

Broj: _____
Gradačac, _____ 2015. godine

PREDSJEDAVAJUĆI
OPĆINSKOG VIJEĆA
Enir Šakić

OPĆINSKO VIJEĆE

Na osnovu člana 8. Zakona o ministarskim, vladinim i drugim imenovanjima F BiH („Službene novine F BiH“ broj: 34/03 i 65/13), čl. 24. st. 1. tačke 19. i 27. Statuta Općine Gradačac ("Službeni glasnik Općine Gradačac" broj: 4/08 i 5/12), u skladu sa Kriterijima i standardima za izbor i ocjenjivanje kandidata koji će se prijaviti na javni oglas za izbor i imenovanje kandidata na pozicije u Upravnom odboru JU Centar za socijalni rad Gradačac ("Službeni glasnik Općine Gradačac" broj: _____) Općinsko vijeće Gradačac objavljuje

JAVNI OGLAS

za izbor i imenovanje kandidata na pozicije u Upravnom odboru JU Centar za socijalni rad Gradačac

Naziv pozicije:

Upravni odbor Javne ustanove Centar za socijalni rad Gradačac

Opis pozicije:

Upravni odbor JU Centar za socijalni rad Gradačac se sastoji od tri (3) člana i to dva člana ispred osnivača, jedan član ispred ustanove, a ovim javnim oglasom vrši se izbor dva člana ispred osnivača. Članove upravnog odbora imenuje i razrješava osnivač. Upravni odbor će biti imenovani na mandatni period od četiri godine.

Ovlaštenja Upravnog odbora utvrđene su čl. 64. Zakona o predškolskom odgoju i obrazovanju ("Službene novine TK" broj: 12/09 i 8/11) i čl. 27. Uredbe sa zakonskom snagom o ustanovama ("Službeni list RBiH" broj: 6/92, 8/93 i 13/94).

Naknada za rad:

Konačno imenovane osobe ostvarit će pravo na naknadu za rad u upravnom odboru u skladu sa Odlukom o utvrđivanju naknada članovima upravnih odbora javnih ustanova čiji je osnivač Općina Gradačac ("Službeni glasnik Općine Gradačac" broj: 5/09).

Uslovi (kriteriji i standardi) koje kandidat mora ispunjavati:

A) Opći kriteriji:

- da je državljanin BiH
- da je stariji od 18 godina
- da je zdravstveno sposoban za obavljanje poslova na koje se kandiduje
- da nije otpušteni iz državne službe kao rezultat disciplinske mjere na bilo kojem nivou u BiH u periodu od tri godine prije dana objavljivanja upražnjene pozicije
- da se na njega ne odnosi čl. IX.1. Ustava BiH (da nisu pod optužnicom Međunarodnog suda za ratne zločine)
- da nije na funkciji u političkoj stranci u smislu čl. 5. Zakona o ministarskim, vladinim i drugim imenovanjima u F BiH
- da ne podliježe odredba Zakona o sukobu interesa u organima vlasti u F BiH ("Službene novine F BiH" broj: 70/08)
- da nije lice kojem je pravosnažnom presudom suda zabranjeno obavljanje aktivnosti u nadležnosti ustanove u kojoj se kandiduje
- da nema privatni finansijski interes u javnoj ustanovi u čiji se upravni odbor kandiduje
- da nije osuđivan za krivično djelo i privredni prijestup nespojiv sa dužnošću u upravnom odboru javne ustanove pet godina od pravosnažnosti presude, isključujući vrijeme zatvorske kazne, i da se ne vodi krivični postupak
- da nije član upravnog ili nadzornog odbora druge javne ustanove ili javnog preduzeća čiji je osnivač Općina Gradačac.

- da ne postoje druge zakonske smetnje za obavljanje poslova u upravnom odboru u koji se kandiduje.

B) Standardi:

- k) visoka stručna sprema
- l) najmanje 3 godine radnog iskustva nakon završene visoke stručne spreme
- m) sposobnost prepoznavanja, zastupanja i zaštite interesa javne ustanove i uvažavanje interesa drugih zainteresiranih sudionika
- n) sposobnost za savjesno, odlučno, odgovorno i profesionalno obavljanje upražnjene pozicije
- o) izražena individualnost, inicijativnost, nezavisnost u radu i donošenje odluka
- p) da posjeduje znanje i sposobnosti razumijevanja poslovnih izvještaja
- q) da posjeduje znanje iz oblasti ukupnog zakonodavstva na području djelovanja upravnih odbora i strategije poslovne etike
- r) da posjeduje znanje o djelatnosti kojom se javna ustanova bavi
- s) sposobnost upravljanja finansijskim i ljudskim resursima i naklonjenost timskom radu
- t) da posjeduje organizacijske i komunikativne sposobnosti.

Podnošenje prijave:

Uz prijavu kandidati su dužni dostaviti slijedeću dokumentaciju (originali ili ovjerene kopije):

- m) uvjerenje o državljanstvu (ne starije od 6 mjeseci) ili CIPS-ova prijav mjesta boravka
- n) diploma o završenoj visokoj stručnoj spremi
- o) dokaz o radnom iskustvu
- p) Potpisane i ovjerene izjave iz tačaka d), e), f), g), h), i), k) i l).

U roku od osam dana od dana imenovanja kandidat koji bude konačno imenovan za člana upravnog odbora bit će dužan dostaviti slijedeću dokumentaciju:

1. uvjerenje o zdravstvenoj sposobnosti
2. uvjerenje da se protiv njega ne vodi krivični postupak (ne starije od 3 mjeseca),
3. uvjerenje da nije osuđivan za krivično djelo i privredni prijestup nespojiv sa dužnošću u upravnom odboru javne ustanove pet godina od pravosnažnosti presude, isključujući vrijeme zatvorske kazne

Kandidati zaposleni u organima državne službe koji uđu u uži izbor i budu pozvani na intervju dužni su priložiti rješenje kojim je kandidatu data pismena saglasnost od strane rukovodioca organa državne službe za obavljanje dopunske djelatnosti.

Sa kandidatom koji bude ispunjavao sve potrebne uslove bit će obavljen intervju.

Prijave na oglas sa potrebnom dokumentacijom u roku od 15 dana od objave oglasa u "Službenim novinama F BiH" potrebno je predati neposredno ili dostaviti preporučenom poštom, na adresu: Općina Gradačac, ul.H.K.Gradašćevića br. 54, 76250 Gradačac sa naznakom "Prijava na javni oglas za izbor i imenovanje članova Upravnog odbora JU Centar za socijalni rad Gradačac – ne otvarati.

Obrazac prijave moguće je preuzeti na web stranici Općine Gradačac www.gradacac.ba ili na šalteru informacija u šalter sali Općine.

Nepotpune, neblagovremene i neuredne prijave neće se uzeti u razmatranje.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRADAČAC
- Općinsko vijeće -

Broj:
Datum:
G r a d a č a c

PREDSJEDAVALJUĆI
OPĆINSKOG VIJEĆA
Enir Šakić